

**Landesbibliothek Oldenburg**

**Digitalisierung von Drucken**

**Nicolai Hieronymi Gvndlingii J. C. Ivs Naturæ ac Gentivm**

**Gundling, Nicolaus Hieronymus**

**Halæ Magdebvrgicæ, 1736**

Cap. II.

**urn:nbn:de:gbv:45:1-208**

tio. Ruffi vero idem occinere fuafori potuiffent; ceu *Germani* JCTi plures id faciunt, cum tanta iactantia celebratur *ius Quiritium*.

§. LXXIX.

Similiter lex forensis Iudaica fapientiffima merito habetur. At nec inde tamen fuit, a Christianis quoque eam pro norma effe recipiendam. Eff enim fapientiffima *comparate*, ratione Iudaicæ gentis. Nobis non eff profus commoda, cum alios habeamus mores, & diuerfum Republicæ noftræ habitum oftendant.

CAP. II.

DE PRIMO IVRIS NATURALIS PRINCIPIO.

§. I.

**N**on opus eff femper, vt principium generalius, atque, vt vocant, primum in fronte totius difciplinæ conftituatur: habet hæc methodus plura incommoda, quam commoda.

§. II.

Præterquam enim, quod non ftatim omnes veritates & confequentiæ





mente comprehendi, nec sub vna generaliori collocari possint; etiam obseruatur, ita incedentes a contemplatione veritatum *determinatarum*, seu singularium auerti, & alio prouolutos inanibus altercationibus & logomachiis haud raro implicari. De quo iam in Logica nonnihil monuimus *L. l. c. III. Sect. 1.*

## §. III.

Saltem negari nequit, in iurisprudentia naturali ea incommoda fere omnia fuisse animaduersa. Quam enim frequenter audita sunt voces: tuum principium non est adæquatum, non generaliter verum? Quam negligenter interea veritates & leges singulares sunt expensæ? quam haud raro ingeminatum, principium non esse euidens? quam temere denique extra hominem quidam euolarunt, vt, quod apud se non inueniebant, principium, venarentur, nescio, vbi?

## §. IV.

Ad quod, quum diuersa nominis acceptio accessisset, Doctoresque ius naturale modo angustiori, modo latiori ambitu circumscripsissent, factum est, vt nouæ de principio primo lites surgerent. Hic enim & internam & externam,



nam, seu omnibus numeris absolutam felicitatem in mente habuit; alter de pace externa tantum verba fecit: vnus theologiam naturalem inarfit; alter eam iam posuit: rursus alii totius politicæ præcepta adiicienda crediderunt eoque aliam fere ad vnum omnes enunciationem primariam statuerunt.

## §. V.

Quas vt euitemus difficultates, consultum forte foret, omittere tantisper principium primum, donec singulæ veritates *determinatæ* in luce sint constitutæ. Sed, quia iam in Ethica totius philosophiæ moralis ambitum circumspeximus, non erit iam res magni negotii, recepti insistere methodo, & festari & inuenire axioma, in quo conclusiones omnes contineantur: placuitque hæc methodus in scholis, vt paullo citius absoluerent spheram suam docentes. Illi vero non minus falluntur, qui vno filo ex vno axiomate & principio vniuersas deduci conclusiones posse negant. Possunt utique, si quis vim demonstrandi intelligat, & quid in tali enunciatione lateat, ordine detegere queat.

## §. VI.



## §. VI.

Tale axioma vulgo principium *cognoscendi* vocatur; a quo principium iuris naturalis *essendi* vti que differt.

## §. VII.

Itaque peccarunt, qui DEVM eiusque voluntatem vel absolutam, vel sapientissimam pro principio primo venditarunt. In eo enim omnes, præter Atheos, consentiunt, Deum esse legis naturalis auctorem.

## §. VIII.

Sed hic vero talis enunciatio indagatur, qua cognita cognoscuntur reliquæ, ac speciatim, quæ primarium supremi Numinis scopum ac voluntatem ante oculos constituat, quidue ille præstandum a mortalibus, præcipue intuitu *iustitiæ externæ*, cupiat, observandumque præcipiat, aut omittendum: cumque de prima disciplinæ huius veritate sermo sit, per se consequitur, ut esse illa debeat VERA, EVIDENS, ADÆQUATA.

## §. IX.

*Veram* quærimus, quia veritates morales quasdam cum ea connectere conamur.

## §. X.

*Adæquatam* inuestigamus, ne minus,



nus, quam par est, contineat nostra disciplina, neue etiam abundans.

## §. XI.

*Evidentem* esse volumus, non, quasi nulla probatio adiici possit, aut debeat, sed ne addenda sit nimis longa & difficilis.

## §. XII.

Falluntur quippe, qui vel talem exposcunt euidenciam, qualis est in principio primo generalissimo, de quo in Logica verba fecimus; vel etiam ferre non possunt, vt aut verbis similibus eiusmodi propositio exponatur, aut circumscribatur: qui error multis obrepsit.

## §. XIII.

Quibus præmissis, clarum fit, considerandam esse ante omnia humanam naturam, vt sic ex ipsa ratione, per quam Deus nobiscum loquitur, eruatur; eoque male rationes succedere, qui eam præternauigantes statum integritatis(\*) crepant, aut hic decalogum explicant, (\*\*) aut legem & euangelium, (\*\*\*) aut præcepta Noachica(\*\*\*\*) pro norma generali venditant, aut lumen aliquod fanaticum (†) præstolantur, aut consensum gentium laudant, (††) aut instinctum (†††) & ordinem,  
&



& finem, & conuenientiam naturæ & mundi, aut legem æternam nimis generatim vrgent, aut assimilationem DEI (†††) nominant, aut amorem DEI substituunt.

(\*) Notentur *Valentinus Alberti, Meuius, Seckendorfius.*

(\*\*) Notentur *Georgius Calixtus* alique Theologi, simulatque *Boecleri* argumentum examinetur, qui hanc methodum appellauit diuinam.

(\*\*\*) Notetur *Ioannes Ludouicus Praeschius.*

(\*\*\*\*) Notetur *Ioannes Seldenus.*

(†) Notetur *Poirëtus.*

(††) Notentur *Aristoteles, Cicero.*

(†††) Notentur Stoici, Pythagorici, *Lambertus Velthuyfen, Ioannes Georgius Pritius, Wachterus, Leibnitius.*

(††††) Notentur *Io. Ioachimus Zentgrafius,* omnesque, qui sanctitatem & iustitiam diuinam in exemplum proponunt: quæ licet commodum sensum ferat, non est tamen inde inferendum, principii primi locum eam occupare debere.

#### §. XIV.

Magis hic placent *Grotii, Hobbesii, Puffendorffii* inuenta.

#### §. XV.

Recte enim ab illustri *Cocceio* iam animaduersum est, omnium opiniones eodem



eodem recidere, & *pacem* quære, *socialiter viue, tranquille viue*, vocibus duntaxat, non sensu discrepare: vtvt vnusquisque horum doctorum aliam *causam*, seu *medium terminum* in mente habuit.

## §. XVI.

PRIOR etenim pacis custodiam commendauit, quia fit conueniens legi Scholasticorum æternæ, ALTER, quia ad pacem conditus esset homo & natus, TERTIVS, quia alias humanæ gentis perpetuum funus, aut bellum omnium aduersus omnes sit futurum.

## §. XVII.

Sed caue tamen existimes, nobis absolute placere horum virorum asserta. Sat scimus *Grotium & Puffendorfium* pacem, seu quietem internam & externam non, vti fas erat, distinxisse semper.

## §. XVIII.

Nos iure separauimus; eoque nunc cogitare affirmamus, esse hoc disciplina nostræ principium cognoscendi primum: PACEM EXTERNAM ANTE OMNIA SECTARE ET SERVA, VBI HABERI POTEST, NE PRORSVS AD VI-TAM CVM ALIIS TRADVCENDAM  
VIR.



VIRTVTEMQUE ACQVIRENDAM INV-  
TILIS FIAS.

§. XIX.

Quomodo enim naturam suam  
conferuabit homo, si perpetuo cum aliis  
luctetur & pugnet, damna det &  
accipiat, decipiatur & decipiat? quo-  
modo etiam, si externe semper tumultu-  
etur, internas animi perturbationes  
reprimet, & virtutem sectabitur acqui-  
retque tandem?

§. XX.

Igitur hæc tranquillitas adfit ne-  
cesse est, quoniam sine aliis hominibus  
vivere non possumus.

Recolantur, quæ in Ethica cap. X. p. 77. sq.  
hæc de re philosophati sumus.

§. XXI.

Posita vero externa pace & quie-  
te, prono nunc alueo sequetur vicissim,  
non esse alios lædendos, seu turban-  
dos.

§. XXII.

Hi alii vel sunt sui iuris, vel alieni,  
hoc est, vel pares, vel superiores, vel  
inferiores.

§. XXIII.

Qui alios contemnit turbat, qui  
vulnerat turbat, qui occidit turbat, qui  
mentitur & nocet turbat, qui rem alie-  
nam



nam inuito furripit, qui fidem datam violat, turbat, qui societatum simplicium & compositarum finem cum annexis subruit, turbat, cetera.

## §. XXIV.

Ergo etiam hæc omnia itemque singula custodiæ pacis ac felicitatis eternæ repugnant.

## §. XXV.

Nec male concluditur, eiusmodi perturbatorem pro omnium deterrimo & infelicissimo merito haberi, quia nemo cum eo vna esse, nec ille etiam cum aliis viuere & coniungi, multo minus naturam humanam, quam perpetuis periculis & tumultibus exponit, perficere & polire aptus est; adeoque prima felicitatis stamina rumpit.

## §. XXVI.

Quin igitur vera sit nostra enunciatio, dubium non est. Oriuntur enim inde certissimæ veritates. Ex falso autem non oritur verum.

## §. XXVII.

Quin sit evidens, ambigi non potest. Nam & stupidissimi homines illam comprehendunt & palpant; quam primum causam considerant, & effectus tristissimos sibi ante oculos ponunt.

C

## §. XXVIII.



## §. XXVIII.

Quin sit adæquata, extra disceptationem iam videtur constitutum, quoniam legem naturæ *absolutam* & *hypotheticam*, ethicam & iurisprudentiam, quietem internam, quam operatur virtus, & externam, quam præcipit modestia & iustitia stricte sic dicta, distinguimus, & actiones aperte immodestas & iniustas ab inhonestis iniquisque curate discreuimus.

## §. XXIX.

Igitur propria emendatio, si alios homines seorsum colloques, ad Ethicam merito refertur, in qua de temperantia eique opposita intemperantia copiose fuit actum.

## §. XXX.

Pertinebit etiam eodem æquitas, utpote virtus, abundantiam amoris in sinu continens. Prudentiæ regulas Politica sibi vindicat.

## §. XXXI.

At inde elucet demum, e tribus Triboniani præceptis primum: *neminem laede* & tertium *suum cuique retinque* huc esse referenda.

## §. XXXII.

Elucet quoque, e ternis *Ioannis Francisci Buddei* vltimum cum ea, quam nos



nos addidimus, limitatione hic locum fortiri: *socialiter viue.* Cultus diuinus ac vita temperans ad Ethicam pertinent.

§. XXXIII.

Elucet itidem, beneuolentiam *Cumberlandi* plus continere, quam pacem externam.

§. XXXIV.

Elucet, DICTAMEN rectæ rationis nimis generatim nominari. Quæretur enim semper, quid dicteret recta ratio: eoque talis propositio nec euidentis est, nec adæquata.

Dicatur de *Valentino Velthemio* aliisque, qui notitias insitas cum *Melanchrone*, *Guilielmo Grotio*, *Roberto Scharrockio*, aut cum *Strimesio* amorem intellectualem commendarunt.

§. XXXV.

Nunc solum excutiendum restat; quomodo ab *Hobbesii* doctrina differat nostra. Is enim pacem quoque externam commendat; is tristes belli omnium aduersus omnes effectus ante oculos ponit.

Decipiuntur eum *Conringio* & *Hedingero*, qui bellum omnium aduersus omnes laudasse *Malmesburiensem* contendunt.

C 2

§. XXXVI.



## §. XXXVI.

Igitur circa pacem externam cum eo consentimus, consentimus quoque in eo, pactis pacem externam & sub imperio commodius & certius obtineri. Est enim status libertatis vitio mortalium vtique turbulentus.

## §. XXXVII.

Negamus vero, ante pacta neminem ad pacem seruandam obligari; negamus etiam, pacta ex obligatione interna, & ob propriam duntaxat utilitatem esse seruanda: quanquam primum ipse non videtur statuiffe *Hobbesius*. Neque enim is de obligatione; sed obligationis executione dubitauit; quoniam prauorum affectuum tanta est in mortalibus violentia, vt susque deque habeant futura omnia, vbi boni apparentis viuida representatio eosdem mouet atque afficit.

## §. XXVIII.

Quod vt clarius patefcatur, comparabimus *nostra* & *Hobbesii*. Igitur AVCTORIS adfertur est:

*Quere pacem ante & post pacta.*  
 HOBBS. *Quere pacem post pacta.*

AVCT.